

Kejadian 6



Ini cerita tentang Nuh dan keluarganya. Nuh itu orang benar. Dari semua orang yang hidup waktu itu, hanya Nuh sendiri yang hidup ikut yang Allah mau. Dia baik teman dekat sekali dengan Allah.

Waktu Allah cek bumi, Dia lihat, memang bumi ini rusak parah-gara-gara manusia dan orang-orang jahat itu.



1

Jadi, Allah bilang ke Nuh, "Sekarang bersihkan semua yang hidup di dunia ini, karena mereka sudah merusak bumi dengan hal-hal jahat. Jadi, sekarang bersihkan semua lapisan bumi dengan mereka semua."



2


Jadi, ko bikin untuk ko, kapal paling besar
skali dari kayu yang kuat. Baru tutup de
pu cla-cla pake aspal cair dari luar deng
dari dalam. Di bagian dalam ko bikin
ruang sendiri-sendiri.



3

Ini de pu panjang deng
lebar kapal bentuk
kotak besar itu: Kapal
de pu panjang 133
meter,
de pu

lebar 22
meter, de pu
tinggi 13 meter.




4

"Trus, ko juga bawa smua
yang kam bisa makan. Ko
kumpul itu smua, supaya
nanti kam smua ada
makanan."




5

Dari smua yang hidup, dari smua binatang-binatang ini,
ko harus bawa satu pasang, jantan deng betina, bawa
dong masuk ke kapal itu sama-sama. Bikin begitu
supaya dong bisa tetap hidup sama-sama
deng ko.




6

Trus dari smua binatang-binatang yang tra pamali,
ko ambil tuju-tuju pasang, betina deng jantan.
Tapi untuk binatang-binatang yang pamali,
ko ambil satu-satu pasang saja,
betina deng jantan.




7




Nuh deng de pu istri,
sama de pu anana deng
dong pu istri, dong smua
masuk ke dalam kapal itu untuk
kas selamat diri dari banjir paling
besar itu.

8




Itu pas di bulan dua, hari ke-17, waktu Nuh de pu umur 600 taun. Di hari itu suda, smua mata air yang ada dalam tana, smua kas hambur de pu air kluar. Baru tempat-tempat air yang ada di langit smua dapa buka.

9



Trus hujan de turun tra stop-stop sampe hari ke-40.

10




Waktu air su mulai tamba banyak baru de pu tinggi tu su dasyat skali, kapal ni de su trapung di atas air.

11


Air juga tinggal tamba tinggi trus sampe smua gunung-gunung tinggi su tenggelam juga. Smua yang di darat, yang ada napas, smua mati.

12



Begini, Allah ingat Nuh deng smua binatang, yang ada sama-sama deng Nuh dalam kapal besar itu. Trus Allah kirim angin datang tiup, sampe air mulai turun.

13



Waktu su lewat 40 hari begini, Nuh buka jendela yang de bikin di kapal itu, trus de kas lepas burung bangke satu. Habis itu, de kas lepas burung merpati satu untuk liat kalo air ni su surut dari atas tana ka blum.

14

Waktu bulan dua, hari ke-27, tana di bumi su kring betul-betul. Trus Allah bicara ke Nuh, "Ko deng ko pu istri, sama ko pu anana deng dong pu istri-istri, kam smua kluar suda dari kapal."




15

Habis dong smua kluar, Nuh de susun batu, bikin tempat bakar korban untuk TUHAN.



16

Dari binatang-binatang yang tra pamali, trus dari burung-burung yang tra pamali, Nuh de ambil brapa-brapa trus de bakar kas korban untuk TUHAN di atas tempat bakar korban itu.



17

Trus Allah bilang begini, "Ini yang jadi tanda dari Sa pu janji untuk kam sama smua yang ada hidup di bumi deng kam. Nanti janji ini tetap ada trus,

janji ini nanti turun ke kam pu anana cucu deng dong pu anana cucu juga. Sa su taru Sa pu busur di langit untuk jadi tanda dari Sa pu janji deng smua yang ada di bumi."

18

"Kalo Sa kas datang awan hitam di atas bumi trus Sa pu busur, plangi tu, de muncul disitu, nanti Sa ingat janji yang Sa bikin deng kam, juga deng

smua yang hidup di bumi ini. Janji kalo air trakan jadi banjir paling besar untuk sapu bersi smua yang hidup di bumi lagi."


19

Habis itu, Allah kas berkat Nuh deng de pu anana, Allah bilang begini ke dorang, "Tamba banyak suda. Lahir anana deng cucu-cucu! Kas penu bumi ini!"



20

"Nuh pu anana yang
kluar sama-sama deng de dari kapal
tu, dong pu nama Sem, Yafet,
deng Ham. Ham ni Kanaan pu bapa.
Dong tiga ini suda Nuh pu anana.
Dari dong tiga ini lahir
smua orang yang




tasebar ke
mana-mana di bumi."

21

3

60

22



John 3:16

Romans 3:23
Romans 6:23
Hebrews 9:27
Ephesians 2:8,9
Romans 10:9,10
John 3:16,17

1 John 5:11-13

Ini yang De kas saksi: De su kasi hidup sampe trada akir
tu ke kitong, trus hidup itu ada dalam De pu Anak.
Sapa saja yang percaya Allah pu Anak, de su dapat hidup
itu. Sapa saja yang tra percaya Allah pu Anak, de tra
dapat hidup itu. Smua itu sa tulis untuk kam, kam yang
percaya sama Allah pu Anak pu nama, supaya kam tau
kalo kam su dapat hidup itu.

23

Kejadian 6 - 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Malay, Papuan Bible (pmy) © 2023 (Active), Wycliffe
Bible Translators, Inc. All rights reserved.

<https://www.bible.com/en-GB/bible/2690/GEN.1.MPAPUA>

©2026 Bible for Children, Inc.
www.M1914.org www.bibleforchildren.org

24